



ARUBA ANSE COURANT

GEBRUIK

dagelijks
DOMO POWDER MILK
agents
VELD STORES

Dagblad

voor Aruba

FRESH UP

WITH
7 - UP
agents
VELD STORES



UDE JAARGANG

DINSdag 8 OKTOBER 1957

No. 2951

REPLICA DI P.P.A.:

Awor tambe un peticion di investigacion na Gezaghheber

ORANJESTAD: — P.P.A. no tabatin mester di hopi tempo pa duna contestacion na e paso cu e delegacion di A.V.P. a tuma diabierne siman pasa. Ayera mainta Gezaghheber a hanja un peticion pa haci un investigacion na e hechonan serio, cu segun P.P.A., su contra partido a haci nan culpable. E siguiente escrito nan a manda pa Gezaghheber:

„E siguiente personanan P. Croes, L. Beujoy, E. Finck, H. Lopez, O. Croes, M. de Cuba y J. Erasmus ta dirigí nan cu e presente cerca senor Gezaghheber:

1. Pa suplica senor Gezaghheber di laga haci un investigacion y mira si en realidad e personanan, cu a presenta cerca senor Gezaghheber diabierne pasa cu varios keho falso segun nos opinion riba e eilandsbestuur actual y su funcionarionan y ademas kier a divulga cu esaki, participando e prensa un y otro, ta culpable di loke articulo 280 c.q. 281 di Wetboek van Strafrecht, ta manda.

2. Tambe nan ta aprecia si senor Gezaghheber por pone atencion riba e puntanan, cu PPA a trece padilanti den un comunicado di awe, na cual lo siguiente ta agrega:

a) Trabayan especial di orden di un „Diputado“ inferno di Openbare Werken, ehecuta pa e Servicio aki,

SANTA COMUNION TA ARPOXIMA

ORANJESTAD. — Segun nan a informa nos ayera, Su Altísimo Excmo. Mer. J. Holenman, e Vicario Apostólico, a duna e siguiente fechanan pa conformation na Aruba: 16 di November Oranjestad — 17 di November Noord — 19 November Brasil — 20 di November Santa Cruz — 23 di November Paradera — 24 di November San Nicolas y 27 di November Savaneta.

E oranan di conformation ta cinco or na tur e parochianan. Tambe e muchanan lo haci nan primera Santa Comunión dia 16 di November, tanto na Oranjestad como na Noord y Paradera.

MATRIMONIO JAN VAN GIJN-LYDIA BOOI



Ayera e matrimonio a tuma lugar na Oranjestad entre senor Jan van Gijn, e yu mas hoben di e donjo di Hotel Scala y stra. Lydia Booi, yu di sr. A. J. Booi den Wilhelminastraat. Ta di comprende cu un cantidad di amigo y amiganan a bai felicita e hoben pareha ayera mainta den Club Caribe, y tambe no ta cos di bisa mes cu e bishitanan no a falta nada durante di e recepción. Ayera mainta e noben pareha Van Gijn a bai Caracas cu avion na unda nan a bai pasa nan luna de miel. Sr. Van Gijn Jr. ta conoel na Oranjestad como manager di e firma „El Lujo“ den assauststraat. Riba e foto ta di robes pa drechi sr. Van Gijn Sr., su esposa, e bruidegom, e bruid, sr. Booi y su esposa.

cion di Eilandsraad y di Gobernador di Antillas Hulandes, siendo cu e ta ser exigí legalmente;

c) Raadslied C.A. Eman a lesa den un Reunion Publico di Eilandsraad un rapport secreto di e Hefe di Watervoorzieningsdienst;

d) Presenta un copia di foto di un plan di construccion na un Reunion Publico, cu tabata warda na Servicio di Openbare Werken.

Relativo na loke nan a trece adilanti aki riba, y loke ta para den e comunicado di PPA di awe, nos ta suplica senor Gezaghheber pa haci

COMUNICADO DI P.P.A.

ORANJESTAD: — Cu motibo di e peticion cu P.A.P. a haci Gezaghheber pa investiga a fondo algun irregularidades falso cu segun nan A.V.P. a haci, nos a ricibi ayera e siguiente comunicado di parti di P.P.A.:

„En coneccion cu e noticia cual AVP ta plamando den pueblo cu nan a keha gobierno di PPA cerca Gezaghheber Kwartier, directiva di PPA kier trece na conocimiento di pueblo cu e accion aki di AVP no ta nada mas cu un otro esfuerzo inutil di AVP di pone nos gobierno keda malo dilanti di pueblo.

Den ultimo tempo nos a weta di diferente mentira di AVP pa trastorna pueblo, tal como:

1) Enganjo na pueblo cu situacion di awa ta bon ora cu verdaderamente tal condicion ta critica.

2) Enganjo na pueblo cu gobierno ta bai traha cuarenta milyon florin sin ta cubri cu oro, local ta completamente falso.

3) Trata di alarma pueblo escribiendo di golpe di estado y amenaza di violencia.

4) Trata di tolondra pueblo cu noticia cu nos gobierno no ta democrático y cu nos ta mantene vinculo espiritual cu cierto formanan bestial di gobierno.

5) Trata di mina e autoridad di gobierno.

6) Trata di instiga pueblo contra di gobierno.

7) Trata di calumnia autoridadnan. E puntanan aki arriba menciona a worde manifesta na diferente reunionnan publico di AVP y publica den organo „Realidad“.

Comoquiera tur e accionnan aki di AVP ta worde haci cu e obhetivo di trece inquietud y desorden den pueblo, nos ta spierta pueblo pa no laga ningun di e enganjonan aki stroba paz y tranquilidad di nos isla.

Aruba, October 7, 1957.”

FISICA NUCLEAR EN ISRAEL

Se ha celebrado una importante conferencia internacional de fisica nuclear del 8 al 12 de septiembre en el Instituto Weizmann, de Rehovoth, cerca de Tel Aviv, organizada bajo los auspicios de la Unesco y de la Union Internacional de Fisica Pura y Aplicada. La conferencia, que ha reunido alrededor de 150 científicos, tenia por tema „La estructura de los nucleos“. El Instituto de Rehovoth se ha distinguido recientemente por sus trabajos sobre la estructura del átomo y de los rayos cósmicos.

un investigacion a fondo y pone e autoridadnan supremo cu ta drenta en cuenta completamente na haltura. Nos ta haci senor Gezaghheber e peticion aki corta sin embargo urgente, como nos Partido tin e impresion cu AVP ta tratando di trece desorden y inquietud riba nos isla. E contenido di e periodico di partido di AVP y loke nan ta papia di e ultimo partido aki den e reunionnan publico ta testigua esaki“.

SUCESOR DI R. HOUTZAGERS NA FATUM

ORANJESTAD. — Ayera a llega Aruba despues di a pasa cinco luna di vacation afor, senor P.M.M. Verheydt, director di N.V. Fatum na Aruba y su senor, Senor R. Houtzagers, kende a tuma lugar di senor Verheydt durante e ausencia di esaki, lo sali dia 25 di November proximo, segun e la bisa nos, pa Hulanda. Senor C. de Jong, kende lo llega Aruba dia 30 di e luna aki lo tuma over e trabau di inspeccion di senor Houtzagers. Senor Houtzagers lo keda cu su mes trabau na Fatum na Hulanda, solamente cu ainda no ta sigur unda e lo establece.

LAMPI DI MESA TEXAS FURNITURE STORE

Emmastraat 5 - Tel. 1082-1083

LUCKY STRIKE NO TABATA TIN MESTER DI OUTFIELD PA GANA CHESTERFIELD

(Di nos Sportreporter)

ORANJESTAD. — For di e anotador oficial di e torneo pa promocion nos a obtene e curioso dato cu durante e partido di 13 inning hunga diadomingo entre Lucky Strike y Chesterfield, e janyeronan di Lucky Strike no a haci ni un solo out. Tur e 39 outnan a worde completa den infield. E errornan cometi pa e cuadro di Lucky Strike ta refleta den esaki tambe ya cu seis error a worde cometi.

Snoek contra Siki awe noch na Corsow

(Di nos Sportreporter)

ORANJESTAD. — Den Rifstadien na Corsow awe noch lo tuma lugar e tan spera pelea di revancha entre Wim Snoek y e arubiano Battling Siki. Tanto na Corsow como na Aruba ta reina hopi interes pa e pelea. E promer combate entre e dos pugilistanan aki a termina na favor di Siki pa decision na principio di luna pasa na Corsow, pero despues di su demostracion contra di George Knowles den Swingers Square Garden, e hulandes Wim Snoek a recobra admiracion di e fanaticonan y te hasta tin hopi ta pensa cu e biha aki Siki lo no tin chens contra di e corpulento hulandes. Pero e fanaticonan cu ta pensa asina ta lubida cu loke Snoek a enfrenta na Aruba ta di tactica y cu no sabi kiko yama footwork. Tampoco Knowles a demostra defensa ni e saber di elimina golpnan. Den e puntanan aki Siki ta masha bon y ta su base ariba cual e gana Snoek biha pasa y pa awe noch pa e mes factoman aki e ta nos favorito. Siki su defensa ta magnifico y su footwork rapido. Nos ta sigur cu si Siki usa e mes un tactica cu den e promer enuentro e lo ripiti su victoria y talvez den un forma mas convincente ainda.

NANDO-HORNER NO DIA 11 SINO DIA 10

(Di nos Sportreporter)

ORANJESTAD. — Erroneamente nos a publica den un edicion anterior cu e programa boxistico cu promotor Johan Steffanle lo presenta e luna aki lo tuma lugar dia 11 di October. Esaki mester ta dia 10 di October, esta diahuebs awe. Pelea estelar di e programa aki lo ta entre e campeon antillano Sugar Boy Nando y e yankee Don Homer, un fuerte pegador, pupil di e conocido Angelo Dundee. Nando lo haci un reaparicion despues di a box durante seis luna den exterior, tumando mayoria di su peleanan luga na Jamaica.

RELATO DI POLIS

ORANJESTAD.

Amor a mande awa

Diasabra anochi F.S.M. kende a tuma algun copas di mas a hanja gana di hoga su culpa. E la camina banda di caminda grandi banda di Simon Antonio y bula den awa foi e barracanan di dos meter di halura, pero como e temperatura di e awa no a agradele el bolbe sali pa e contra cu polis a bin na su enuentro. E ora e kier a bolbe tira su culpa na lama, pero e polisnan a tabelle y hibebe warda pa camale. Despues a sali cu ta amor tabatin di haci den asunto aki.

E tabata sabi

Banda di diez or y mei diadomingo J.C.W. di Tanki Flip a llama polis na telefoon pa avisa cu su senjora a pega e cas di galinja den nan cura na candela. Ora polis a llega nan por a constata e resto di shinishi na e lugar mencionada.

E senor a declara cu e la kima e cas di galinja pa duna e galinjanan cu ta drumi ey nan mas fresco, pero como e polisnan a sigui cu nan preguntanan e la bin conta e verdad di su hecho: su esposo tabata sconde semper patras pa e bebe y tabata sconde su boterman ey den. Di e manera aki e la dicidi di kima e cas di galinja y haci un fin na e entrevista di e casa y e botter.

Perde

Senor J. Walters di Sint Maartenstraat no. 8 na San Nicolas a declara na warda di polis cu e la perde algun pida brijchi, llavi di cas y carta na porta grandi di Lago.

Oh dokter

Brandspuit mester a sali di prisaduasabra merdia ora e hardin na cas di un dokter na San Nicolas a pega candela, pa motibo di e pumant Pronto nan a logra pga e candela.

Otro boksmento

Un accidente di trafico a tuma lugar diasabra mainta riba terreno di waaf na Oranjestad. E truck A-4319 y e auto A-5555 di seniores F.F. y D.A. a dal otro. E dano total ta ser calcula riba fl. 1.000.— y esun cu tabatin falta tabata e chauffeur di e truck, kende a bira mucho na su robes ora e la coge e birada y tambe pasobra su auto no tabatin bon brake.

Ruman a perde

Un habitante di Zeewijk a bin avisa polis diadomingo anochi cu su ruman muher Ruby Velmar Punsallie a perde. E damita di 19 anja aki a sali foi su cas na Zeewijk diasabra anochi y te e dia ey e no a regresa y como e la hiba un maleta cu ne nan ta sospecha cu no por worde papia di un accidente. Awor polis ta buscando Ruby, kende tin cabel cortico, di color blanco y ta midi mas o menos 1.60 metro.

DE ARUBA VOETBAL BOND

PRESENTEERT

in het WILHELMINA STADION

HEDEN OM 8 UUR N.M.

TRAPPERS vs. RIVERPLATE

(A-klasse)

Toegangspreis Fl. 0.50

CONCURSO SENSACIONAL DI E CERBEZ AMSTEL

Lo bo ta e feliz ganador di un aparato di television marca DUMONT (pantalla di 21") dia 15 di november proximo???

FORMULIER PA PARTICIPA NA E FANTASTICO CONCURSO AKI TA OBTENIBLE GRATIS NA BO TIENDA DI AMSTEL.

E CONCURSO A CUMINZA AYERA!!

DRINK

now available in more different flavours than ever: pineapple, kola champagne, orange, lemon lime

Victoria Bottling Co.

MORE

KIST

Phone 5192.

igde Staten en de Sovjet-Unie aan
halen,

Promotor di baxeo Johan Stefania
ta presenta
bao di auspicio di A.B.C.
Diahuebs anochi 10 oktober 8.30 or den Swingsters Square Garden
MAINBOUT DI 10 ROUNDS DON HORNER (U.S.A.)
contra
SUGAR BOY NANDO (Aruba)
8 ROUNDS
Kid Fenton vs. Samuel Nunez (Ven.)
4 ROUNDS
Kid Walcott vs. Easy Boy Sonny
Kid Spider vs. Kid Alfonso
Young Jackson vs. Johnny Gumbs
3 ROUNDS (amateur)
Blue Rock vs. Kid Webster
Entrada: tribuna Fl. 4.—
ringside Fl. 5.—
ringside reservado Fl. 7.—

Remetido:
(Fuera responsabilidad di Red.)
DELEGACION DI DESESPERACION
Sr. Redactor, permiti mi un espacio den bo corant nan lesa den henter pueblo di Aruba, pa mi, como un votador haci e siguiente comentario (ocante bo articulo di Diasabra, 5 di october, encabeza "delegacion di AVP di audiencia cerca Gezaghebber".
Mi conclusion ta, cu AVP a turma pueblo haci asina tapto espectacular, cu awor no tin otro recurso, a wor ta dirigentenan di AVP mes ta poniendo AVP den "spotlight" di rediciduez pa henter pueblo di Aruba y te hasta den estrapheria. Quiza ta esaki ta e golpi di estado cu AVP ta ganjando su votadornan? Que desesperacion!

E puntanan cu e lider di delegacion, Albert Eman, a trece padilanti ta ridiculo y no tin pia ni cabes. Por chepempel, Albert Eman ta trece padilanti como promer punto, e cuestion di AVP nan ta bandonando AVP y ta afilia cu PPA. E bandonamiento di AVP no ta nada strano. Ta 8 anja caba cu AVP ta perdiendo sosien di pueblo keto bai, y ta com bini Albert Eman ta sintie asina desespera awor, cu mester bai cerca gezaghebber? Si PPA ta hayando hopi AVP nan den su fila, ta logico. Su bon trabounan na pueblo, y te hasta na contra-partidonan manera cu Shon A. mes a declara, ta un prueba palpable cu PPA no ta desminta contra ningun votador, ni pa raza, ni pa religion, ni pa ideologia, ni pa nada. AVP ta protesta, cu PPA ta desminta AVP nan den dunamento di pensioen, cual no ta verdad, pero den e mes audiencia, nan ta bisa cu PPA ta yudando AVP nan cu algo mas den salario, cu trabou, etc. Mi kier puntra AVP lo siguiente, ta kiko AVP kier anto, pa yuda, of no yuda AVP nan?

AVP kier pa su votadornan muri number, mientras AVP no tin un bolchi pa duna? Pakiko AVP ta asina rabia, cu PPA ta duna un tata di familia un trabau pa e pone pida nan na boca di su yunan? Si un tata di familia a haya un trabau sigur e lo keda contento. Y si tal obrero kier bira PPA, pa via di a haya un bon trato cerca PPA, (cual nunca e lo haya cerca AVP) no tin un hende ta mundo cu por kita su derecho di afilia na tal partido, ni gezaghebber. Loke AVP kier ta pa PPA no yuda ningun hende, mesos cu nan a haci, anto, pa haya motibo pa critica PPA. Ta con AVP kier pretende pa

kita libertad di un tal obrero pa joia e partido cu e kier? Ta esaki ta e libertad cu AVP ta prediando? Dios libra pueblo di AVP! Ta kende por yuda si AVP ta cabando?
Mi ta kere cu PPA ta masha agradecido cu tur dia pueblo ta bira p'e, y esaki ta debi na e motibo cu PPA ta traha bon, y na interes general di pueblo. Pakiko AVP mester acusa PPA di ta traha malo? Albert Eman a menciona cuatro number di ex-AVP nan, cu a bandona su partido, pero e cientos cu a cambia bou man si mester Albert Eman no sa nan number. Ta pakiko mester menciona number di e senjornan ey? Ta catibo di AVP nan ta anto?
Mandamento di delegacion di AVP ta tiramento di salto mortal, pa scapa loke por scapa ainda, pero cuidao cu den saltamento AVP no bula for di panchi aki den candela.
E otro puntanan cu e delegacion di AVP a trece padilanti ta mes ridiculo cu e promer, pero e ultimo si ta algo alarmante ridiculo, esta cu PPA tin intencion pa bisti prensa un bosai.
E acusacion aki a worde redondamente rechaza den "apuntes editoriales" di Arubaanse Courant. Redaccion di Arubaanse Courant mes a remarka cu nan tin e honor di declara cu hama nan boca no a worde tapa, y nan lo no acepta tampoco tal purbamento den tal sentido.
Esaki si ta un tiro fuerte. E declaracion aki di banda di prensa ta masha importante, pasobra tal declaracion a confirma cu PPA no ta contra prensa, manera cu AVP kier pretende. Loke AVP kier ta pa e corant nan di Antillas skirbi mesos cu e corant di e humber cu keto bai ta camina den maduga y ta waak ta cua ta bula ventana.
Mi ta masha contento cu Arubaanse Courant a desmenti acusacion di e delegacion di AVP, demostrando con mentiroso nan ta.

Un Votador.

DIFICULTADNAN DI ROTONDE



E rotonde banda di A.T.S. na Oranjestad continuamente ta motibo di hopi dificultad. Ora cu siman pasa e caballeronan di e Comision di Trafico Seguro a yega pa bai depona na e lugar ei e loke a sobra di un auto cu a yega di hanja un accidente di trafico como un ehemplo pa e automobilistanan di loke por pasa y nan kier a deposite den centro di e plantsoen, a resulta cu DOW net un dia prome tabata ei y nan a cambia hustamente e centro di e rotonde den un lugar masha bunita (kier decir mas dificultad!). E senjornan di DOW den nan apuro no a tene kuenta cu e cabritonan cu parcu noch cerra, ta bal na cantidad den e plantsoen pa gran asombro di sr. Kemmink su majan siguiente (otro dificultadnan mas). Awor sr. Kemmink, manera e foto aki ta muestra a planta un careda di pita rond di e matanan di Australia y e karawaranan. Awor ban spera welta.....

PAGINA TRES
Cu gran pitcheo Lew Burdette a blanquea poderoso Yankees
Parpadeo di Coleman a dicidi partido; otro gran atrapada di Covington

(Di Nos Sportreporter)
ORANJESTAD: — Un pitcheo maravilloso y di gran corahe di e derecho Lew Burdette no a permiti e temible y potente novena campeon di Liga Americana aqota ni un carrera. E cantidad di fanaticos cu a acudi pa presencia un gran duelo di pitcheo a sobrepasa e cifra di e dos promer partidonan na Milwaukee y no a keda desapunta den cuanto e labor di e dos lanzadornan.
Tante Lew Burdette como Whitey Ford a pitchea un partido sublime. E pitcher di 30 anja a lanza durante nueve inning completo, pero Ford den e octavo episodio a worde saca pa un emergente. Durante e 7 inning completo cu Ford a lanza a la duna un solo base por bola, mientras cu Burdette no a regula ningun pasage gratis. Asina ta cu unicamente un base por bola a worde regala durante henter e partido ya cu Bob Turley, kende a relea den e octavo tampoco a duna base por bola.
E unica carrera di e partido a worde anota den e sexto inning, ya despues di dos out. E portorriqueño Mantilla, huyendo segundo base na luga di Red Schoendienst kende a lesionia su pia den e segundo inning, ta promer out cu rola pa short. Cu fly largo den leftfield Johnny Logan ta bira out number dos. Eddy Matthews ta conecta rolling di frente, fa-

Tres caso di morto hoga riba mesun Diadomingo na Corsow
(Di nos correspondente na Willemstad)

Cu un curazon abalido nos a sinta na mesa di redaccion i nos a tuma nota di e infeliz acontecimientonan, e noticianan asina triste i alarmante di e mortonan na Nieuwe Haven i Boca San Michiel.
Ta e noticia di mas triste cu nos por publica cu ta noticia di hogamento. Nos pensamiento ta bai na e pover famianan cu a queda desconsola tras, jen di verdriet, compromiso i rompecabeza, pasobra si tabata un morto di cama, anto lo nan por a jora i conforma. Si tabata cualquier atake, anto esai tabata comprensible pero morto hoga ta ocasiona cada centro di familia un choque, pasobra si bo pensa e fogada cu e persona cu ta bai hoga ta hanje aden, si bo figura bo qui un ansia i sofocamento e victima ta sufriendo e secondenan ai prome cu su morto, anto bo ta sinti manera un desesperacion.
Ta p'esai mas cu un biaha nos tin customer di hala atencion di majornan riba e muchanan cu ta hunga enter dia kanto di awa i cu ta corre peligro continuamente.
Nos no ta bisa cu nan tur lo hoga, pero e peligro ta queda existi. Asunto di landamento ta bop i hasta nos ta

contra sorto di cosnan asina riba bo camina.
A propos, "Lumley a bisa, interrumpiendo Beatrix su pensamiento", pa motibo di bo yegada tin un numero di famianan ta bin dincier awe aqui.
"Qui terrible. Anto m'a pensa cu lo bo a reserva e dia aqui pa nos sol". Beatrix a bisa, "I qui inoportuno e comito ai ta pa mi. Bo mester sa cu mi na ta asina bon bisti pa mi por ricibi mi famianan. Ta quende nan tur ta?"
"Mi ta meen asina tanto hopi nan no ta tampoco. Tur huntu nan ta tres, pero nan por kietu pa un poblacion huntu. Nan ta Herbert, Honoria i Cornelia".
"Mi ta desea di por mira Herbert i Cornelia trobe", Beatrix a bisa, "aunque ta anjanan cu mi a tende algo di nan. Pero apenas mi conoce Honoria".
"Esai ta enberdada un prueba di bo incapacidad", Sr. Lumley, "Practicamente ta Honoria ta e as rond di cual tur familia ta draai. Herbert ta un suf, e ta meen tur cos bon i e ta amable, manera semper e tabata. Pero Honoria ta e energia bibo i e ta en realidad un muhe masha bunita. Te a hiba Herbert camina e ta actualmente, e ta para na cabez di cada comision di interes den condado, hasta miembronan hoben di familia real ta bin dincier cerca dje i el a conoce solamente un contrariedad den su vida".
"I ta cual esai?"
"Wel, nan tin un hacienda sublime i un titulo prima, pero nan no tin heredo heredo. Nan a hanja cuater yiu muhe. Un a muri, dos a casa ricamente i nan ta buscando un hom-

Cumpleanjos feliz
Pa corante di KAN
E MEHOR en el Mundo

Felicitaciones pa Rosa Luydens di su tata, mama, rumannan, omp, tanta, welo, welanan, tambe di Magdalena, La Lili, Peedji, Milo, amiguinan di school di Noord St. Anna School, juffrouw Lydia Oubier y Betty Croes, y Teresia y Anna Kelly di Bewaarschool.
Felicitacion pa Filomena de Cuba cu ta haci 15 anja di su tata, mama, rumannan, wela, tur su amigo y amiganan y su demas famianan.
Felicitacion pa Mario Stede di su mama, tata, rumannan y di Tina na Hulanda. Mario Stede ta cumpli 6 anja di edad.

CADA REGALO TA BONINI PERO DOBEL BONINI TA
Un REGALO compra serka KAN
Nassaustraat 47 - Oranjestad

Felicitaciones tambe pa S. Tromp, cu a haci 38 anja, Syro Hernandez, cu a cumpli 10 anja, Jacques, cu a haci 78 anja, Poipy Lacle, Brigida Rosa Thijsen, cu a haci 14 anja, Mario y Dora Gomez, kenden a cumpli 5 anja casa.
E caballero Virgilio Kock ta celebrando su fecha natal y ta ricibi pabien di su mama, tata, rumannan, omnan, tanta, primo, primanan, curja, especialmente di su comprometida O.L. y demas famianan.
A haci 4 anja Rolando Curiel, y ta ser felicita pa su mama, tata, 3 rumannan, wela, omo, tanta, primonan, primanan, bisawela Dorote Croes.
Felicitacion pa Brigido Hernandez cu ta haci 12 anja di parti di su famianan Hernandez y di Rica Croes.

Ta haci 2 anja Jaime Kelly y ta ricibi masha pabien di su tata, mama, rumannan, primo, prima, tanta, omnan, wela, welo, pepe Olianda, omo Chau.
Elvira Dania ta ricibi pabien di parti di su mama, tata, 9 rumannan, welanan, tantanan, omnan, madrina Josefa Bankmeyer, demas famianan Dania y Hoek.

Felicitacion tambe pa Salomon Bernabela di su esposa Ines, suegro, suegra, curunan, especial su tata, rumannan, y di su amigo Toni, y demas famianan.

A cumpli 8 anja Lucia Croes y ta ser felicita pa su tata, mama, rumannan, tambe di tur su famianan, famianan: Toto, Anna de Maduro, y Carmen Schwengle, Nicolina Kock.

PRIMERA PEREGRINACION DE LOS HUGUENOTES DE LOS ESTADOS UNIDOS A EUROPA.

Un grupo de peregrinos de origen huguenotes de 14 paises americanos han salido de Nueva York el 11 de septiembre para un viaje de un mes a traves de Europa. Despues de una escala en Londres y de una visita a la Catedral de Canterbury, el grupo visitara la villa de Leyde, Holanda, de donde salio la mayor parte de la emigracion puritana hacia la Nueva Inglaterra; los peregrinos iran des-

Pa avisa y tur correspondencia pa "Arubaanse Courant" dirigilo na: Nassaustraat 47, Oranjestad. Telefono: 1114 directo y Aviso 2116. Redaccion y Suscripciones. Numero suelta di ARUBAANSE COURANT por wordo abita na San Nicolas na Union Store, Mainstreet.

It is time to call for an
Aircor-ditioner
ELMAR - TEL. 2170

457 m. - 655 kcl.

06.00	Apertura
06.05	Nos oracion: "Nos tata"
06.30	Dushi amanecer na Aruba
06.30	Mañanita Antillana
06.45	Valencia Arubano
07.00	Canciones di amor dedica na oyente nan na exterior
07.15	Selecion di e disconan di mas peticion
07.30	Saludos musical di Limacoi
07.45	Melodias Matinales
07.50	Bo cancion favorita
08.00	Clausura
10.45	Reportaje
11.00	Falala Royal ta ofrecere
11.30	"Phillips hit parade"
11.30	Baroque Trading ta brinda
11.30	"Melodias Amstel"
12.00	E gospel di diados
12.01	Musica di nos discoteca Hulandes
12.35	Viana ta ofrecere: Noticia internacional y local na Hulandes
12.35	Selecion musical di merdia
12.50	Viana ta ofrecere: Noticia internacional y local na papiamiento
13.15	Notas Antillanas
13.30	Musica cantu en su radio
13.40	Procter & Gamble ta presenta: "Sergio Velazquez acusa"
14.00	Spitfire ta ofrecere: Noticia internacional y local na papiamiento
14.00	"Bo concierto diario"
15.00	Complicaciones y felicitaciones
15.00	"Supa"
15.30	Procter & Gamble ta presenta: "Tu no eres mi madre"
16.00	A. M. Lacle presentere: "Complicaciones Rey de Copas"
17.00	Arteses Meridiano
17.30	Verdad Musical
17.30	"Fiesta de ritmos"
18.00	Mario S. Arends presentere: "Bo orquesta favorita"
18.30	Musur Trading Company bringt U: "Cocktail Musical"
19.00	Eso dealers presentere: "Sportreview"
19.15	Servicio informativo di gobierno Antillano
19.30	Viana ta ofrecere: Noticia internacional y local na Hulandes
19.45	Arubaanse Muziekchool bou direccion di Rian Huisman
20.00	Viana ta ofrecere: Noticia internacional y local na Ingles
20.15	Verdad Musical
20.30	Novela: Cozette Palmolive: "La mujer de aquella noche"
21.00	Fantasia musical di Mario S. Arends
21.30	Musica popular
21.45	Programa especial
22.00	Clausura

Y... MESKER ta drocha mi MEUBELNAN

pues a Amsterdam, Dusseldorf y Wessel. Visitaran despues Suiza y Francia, donde tendra lugar la mayor parte de esta peregrinacion sin precedentes.
En Francia empezaran por visitar Grenoble, de aqui el grupo pasara por Valence y los Cevennes, seguir a Nîmes, capital protestante del Languedoc, Montpellier, Aigues-Mortes y Carcassonne, para subir hacia Toulouse y Montauban, en donde fue fundada en 1600 la Academia Protestante, y por el valle de la Dordogne llegaran a La Rochelle, que fue hasta 1628 una ciudadela de los huguenotes.
Los huguenotes americanos donaran a la villa de La Rochelle un fragmento de la puerta del primer templo protestante construido en 1689 en la Nouvelle Rochelle, en el Estado de Nueva York.
Despues de detenerse en Tours, donde nacio probablemente el termino "huguenote" y donde los partidarios de la Reforma se reunian delante de la torre del rey Hugues, los peregrinos llegaran a Paris, donde pasaran tres dias y seran recibidos por la Sociedad de la Historia del protestantismo frances.

Oduber & Kan inc.
Opticians tel. 2193
TA PRESENTA
E prima pover
Pa TUYUCHI
No. 4
Jasper tabata sinti contricion cu el a hunga su sobrina asina robez. I pa trata na drocha e asunto awor el a bisa na un tono medio-carinoso: "Wel, mi ta supone cu lo mi no tin nada contra paquico mi no por financiar un viaje di Suiza pa yiu di mi sobrina".
Pero Beatrix quende a tuma su sospechonan di un rato pasa na malo, a sagudi cabez negativamente.
"Mi ta masha agradecido pa bo oferta. Pero ta yega tempo cu e muhe cu tambe mester sinja haci algo pa su mes i e ta jen di energia pa e cuminza."
"Pues lo mi mira anto quico mi por haci p'e".
Net e momento ai Miles e crial a drenta cu theobaldho cu thee i Beatrix a cuminza ta basha thee i pone e buserchi fini unbanda dje. Beatrix, i mirando Beatrix ta baha thee pa nati dos, tabata como

ber adecuado pa esun di mas hoben i di ultimo".
"Su yiu muhenan ta gracioso", Beatrix a interrumpi.
"El a haci tur su posible pa e yiu muhenan ta inteligente y simpatica i tur cos mas cu mundo ta existi, pero nan educacion si tabata un poco strano".
"Na qui manera?"
"Nan ta mas sistema estranhero cu Ingles. Honoria a cria su yunan completamente separa pasobra nunca e no a manda ningun di nan scol, pero el a larga nan tur sinja na cas mes, pero den un disciplina di heru. El a casa nan hoben. I diferente hende ta puntra ta quico lo ta resultado di esai".
"Un tal educacion ta parece mi masha difficil den tempo actual".
"Enberdada; pero manera b'a bisa ai, Honoria ta un muhe masha strano, un muhe cu hende no por comprende facil. I pa mas mehor, ta Cornelia bo mester tende, anto lo bo hanja sa algun particularidad di dje".
Capitulo II.
SR LUMLEY TA HANJA SU DESEO CUMPLI
Tres damas tabata sinta despues di diner den salon di Sr. Lumley, sperando e caballeronan bin ihe nan, diherdido cu nan combito. Dos di nan tabata studiando esun di tres i esun di tres tabata haci un estudio di nan tur huntu.
Lady Morland tabata sinti net riba su curpa riba su stul. Esaki tabata su customer di semper. E tabata un bunita muhe i el a pasa 50 anja caba, su cara tabata skerpi i fini, loque tabata pas cu su caracter tambe. Wel el a cuminza hanja algun cabel blanque, pero no tabata, sigur cu esai nan

lo queda ai. Den tur su hacimam e tabata masha na su punto, masha orgulloso. Sir Herbert su casa de lo contrario tabata un hombre calmo cu poco ambicion i loque e muhe bisa, ta ley p'e. Semper e tabatin manera aversion di bida publica. I nunca di su bida e no tabata quier a bira miembro di parlamento. Sin embargo obligatoriamente e tabatin session den Parlamento. E no tabata gusta na ricibi hende. I menos ainda e tabata gusta pa e mes tambe ta huesped. E tabata un berdadera contraste di su muhe. I sin embargo masha poco bez e tabata dincier den su mes cas, sino solamente pa ricibi hende masha conoci di dje. E tabata stima su yiu muhenan masha tanto, pero e tabata hanja masha poco ocasion di mira nan. Cada momento nan tabatin di atene nan na nan educacion disciplina bao di frena stricto di nan mama cu a bringa masha duro pa nan hanja un bon matrimonio.
I despues di hopi kestion cu pleito den bida, Herbert a dicidi di larga tur cos na cuenta di su muhe, pasobra su palabranan den cas no tabatin ningun sorto di influencia mas.
Aunque cu exteriormente e tabata parco masha simpatica i carinoso, sin embargo interiormente Lady Morland tabata sinti manera un insulto, un sorto di ofensa propio di mester a pone atencion special na Beatrix.

oprimi un sintimento di abatidez lezando e invitacion aqui.
Miss Cornelia tabata sinta tranquilo ta come cos dushi i de bez en cuando asina e tabata papia un palabrita den e conversacion.
Cornelia tabata rumann di Herbert i no quier a ser mucha di ningun hende i ta p'esai como dams biey e tabata biba riba su mes i tabata huur un flat pa un cas ariba den ciudad i tabata pasa su temponan, bayendo feria, soiree, fiestanan di comisionnan, pero principalmente e tabata un gran hundo di bridge i casi tur su anochinan tabata ocupa i e ganashinan aqui dje wega tabata trece un suma considerable p'e.
Cornelia a dicidi pa e cu Herbert huntu bira herederonan di Jasper, pero no manera Honoria tabata desea, pa e hanja solamente un legado den e testamento. I ta p'esai awor cu Beatrix a aparece manera un mal sonjo den e familia, tur nan plan tabata sagudi i tabata cerca di basha den i como Honoria tabata esun di mas spierito, a dicidi cu lo e bai fula di un manera of otro com a queda cu Jasper su idea respectu e testamento awor cu Beatrix a aparece trobe riba escenario.
(E ta sigui)
Un di cada cuater persona tin e fastidio di menos hoben bista!
Preveni bo di e handicap eyi laga samina bo wowo.
ODUBER & KAN
Optician den Nassaustraat No 47

EL CISCO KID

Por José Salinas y Rod. Reed



Cisco cu Pancho ta pasa correo varios biaha pa mira si no por tin ningun carta pa nan. Por fin nan a yega postkantoor i nan a korda awor cu e camarera aya a keda di skirbi nan, pero cu te ainda nan no a ricibi ningun carta. Ora cu Cisco a korda Pancho di e camarera, Pancho a bisele: Puf, e camarera ei ta mucho flako pa mi. Nan a sali hariendo for di postkantoor, pasobra cu toch nan a hanja algo. Pancho ta kaweta pa mira kiko ta bisa den Cisco su carta. Cisco a habri su carta i e la

bisa: Mira Pancho... un tarjeta di Pedro Panque. Ora cu Cisco a kaba di lesa e tarjeta Pancho a tumele for di su man, pa e mira kiko e tarjeta ta bisa. aPancho a bisa Cisco: Ta bon, pero bo a haci anja como seis siman pasa kaba, Cisco, i Pedro tambe ta lubida masha lihe, sino lo e la munda e tarjeta aki for di seis siman pasa kaba, pero nan ningun di dos no sabi cu ta otro kos Pedro ke men cu e tarjeta aki.

Tom Richardson, detective di fama mundial

E CAS DI MORTO

Pa TUYUCHI

E no a tende i el a hui bai mas rapido cu e tabata por riba caja. Na momento cu e trein electrica tabata corriendo cu un velocidad espantoso, e enamorado infeliz a mira com e muchu muhe a bula manera un rizo riba e trepplank den trein i cu sinta den e wagon dje trein. I si e pasaheronan cu tabata para riba e balcon no a cohe na su brazu tene, lo el a cai herida su curpa mortalmente. Si, quizas lo el a muri mes tambe. Un momento Fernand a queda ta mira e espectáculo aqul manera hende suf. Enter su curpa a paraliza i e no tabata sa quico haci ni pensa. E trein tabata na un bon distancia caba ta bai, ora cu aladin e tabata na estado di por a grita: "Stop! Stop!"

Ya e trein a bira un skina, sinembargo Fernand a corre mas duro cu e tabata por, pero tabata trabao por nada pasobra e trein ya a perde foi bista.

Net e quier a give up, cu el a mira un taxi, cu el a para i a grita e chauffeur:

"Larga nos sigui tras dje trein 132

i lo mi paga bo 10 bez mas tanto cu bo viaje bai!"

Ta claro cu e chauffeur tabata sigui e rainhan den direccion di Noord, unda el a mira e trein ta sigui caba 148."

Porfin despues cu el a sigui varios rato ta corre masha duro pa e por a sigui e trein na un distancia, trein a bin stop i Fernand a bula 'bao i foi den e auto mes ya Fernand a mira cu e tram tabata bashi paden.

"Ta linda e dama cu tabata bisti na pretu aqul den ta i cu a bula den e trein na avenida Amsterdam?"

"Ahari si! E muchu muhe loco!" e conductor a responde. "El a bula baha den Manhattanstreet ora cu nos tabata corriendo duro. Ta un milagro cu e no a cai morto!"

"I bo n' tin un idea qui banda ci a sigui?"

"Ta claro cu mi no por bisa bo, pasobra el a bula sin cu nos tabata sa i nos no por a stop aya i ta di comprende cu mi no a preocupi mi mas cu n'e."

E estudianta a stap trobe den e

auto i a larga e chauffeur hib'e Manhattanstreet. Aja el a informa tur hende cu e por a hanja, pero ningun di nan no a dune di minimo informacion.

Laura a disparece manera un fantasma i Fernand cu tabata desespera, a pensa cu e mehor cos cu e por a haci ta di bai back cerca Sr. Brown trobe.

El a bai hanja e tata den un situacion masha lamentable sinta excitada, mescos cu Theresia i e otro criaman di cas.

Foi bentana para Senor Brown i Theresia a mira com Laura bula riba e tram i com Fernand tabata corre su tras. Temblando di emocion nan tabata sinta spera qui mal noticia lo nan ricibi di Laura.

Ora cu Fernand a bini sin Laura un desesperacion sombrio a podera dje tata, pero ainda ora cu el a ripiti e tata e palabranan di Laura su decision pa bai sconde su mes den cas di mortonan.

(E ta sigui)

Sinja bibo cu bo precausionnan

Continuacion

Pero ta trabao pomada, pasobra mescos cu den tur cos tin molestia, asina den tur cos tabatin, tin i lo bin tin precaucion. E ta companja nos durante nos bida i ta sigui nos tras den nos tumba.

Ningun hende masque quico cu e quier haci por evita sintimentonan di precaucion i ansia, pero bibando cu nos precausionnan nos por facilita nos un sorto di sabiduria, cu por mengua nos encargo.

E prome prescripcion pa esqui ta: "No aumenta bo precausionnan esencial poniendo mas problemanan imaginaria riba esnan cu bo mes tin caba. Cada hende sa: com cosnan cu casi no ta ni di balor mes, por ta un obsesion pa nos i por stroba un reflexion sano.

Segun sabionan ta bisa, mundo ta un dal di lagrima. E tin su momenta- to di gozo, pero tambe, e ta varia cada seconde, pasobra bo ta jora pa motibo di e mes persona cu a causa bo alegria i e cos di mas grandi ta, cu hasta tin hende ta jora di alegria i esqui ta un prueba di mas, cu alegria ta mezelu cu tristiza, pasobra nan tur ta factornan cu nos no por bira sin dje.

LAMPI DI MESA
TEXAS FURNITURE STORE
Emmstraat 5 - Tel. 1082-1083

Ainda mundo no a conoce un criatura cu hamas no a conoce tristiza. Si acaso runca un hende a conoce tristiza, anto nos por considera e persona aqul como un tirano, un hende cu curazon di piedra. Un hende hopi bez no ta tristo pa su mes, pero e ta tristo, pasobra e ta compadec den tristiza di otro, den adversidad di su proximo. E ta tristo ora cu e tende a pasa su proximo, su colega, su bichina of su familia un of otro accidente; ora cu e tende un noticia di berguenza cu un of otro yiu di familia decente a comete, anto e ta carga tristiza huntu cu e familia aqul pasobra e ta comprende cu ta na mundo e ta i cu por pasa e tambe of cualquier miembro di su familia of su yiu tambe mes un caso triste. Sinembargo nos no mester haci esqui un precaucion, pasobra esanan ta cosnan cu tin di pasa tanto aqul como na tur camina.

Hopi bez no ta e problema grandi di bida cu ta pone nos ariba 'bao, pero mayor parti ta e extenso combinacion di precaucionnan ta causa nos dificultadnan i ansianan chiquito pa porvenir. Nan ta poga na nos curpa manera cocolishi ta pega kanto di curpa di barcu.

Tambe nos ta comete un otro fout mas di sobrecarga nos precaucionnan actual cu esnan di pasado i esnan venidero. Ta claro cu ora ai nan ta bira de lo mastado pa nos sol carga.

Diferente bez nos ta drumi riba nos cama, pero cu wowonan ancho abri ta tormenta nos pensamentonan cu loque nos mester a bisa of responde propiamente of loque nos mester a haci of loque nos mester haci ainda, ora cu un of otro cos mester socode: "Quico lo mi haci si acaso..."

Tur e preguntanan aqul ta caba na nada riba nos lipnan. Desesperadamente nos ta haci nos mes e preguntanan aqul i nos mes ta ocasiona den nos imaginacion spantonan di mas grandi.

Pero nos mester recorda cu loque ta hinder nos awe, majan por ta enteramente otro trobe. Nos ta haci masha malo na preocupa nos cu loque lo socode majan of otro anja. Nos tin masha hopi tempo pa loque lo hin pasa den porvenir, pasobra den un seconde di tempo i cada seconde tambe masha hopi cos den

mundo ta cambia. Quende a bisa bo cu abo t'ai otro anja pa bo presencia un of otro cos? Ta bo ta dicidi riba bo existencia?

Hopi bez nos ta tende un hende ta bisa: "Mi n' por soporta e encargo aqul enter mi bida largo riba mi lomba!"

Sinembargo masha hopi bez ta bo mes a busca e encargo ai pa bo curpa, pasobra tin bez door di bo bromamento b'a haci un promesa cu awor e ta duro pa bo cumpli cun'e.

Hopi hende na mundo a corre saca curpa pa precaucionnan di bida i a tuma pasonan cu nos no a spera di nan.

Por ehemplo den su desesperacion i precaucionnan Stephen Foster a hoga su curpa den rooi di awa. Edgar Allan Poe, tormenta pa blasfemia i descuido jen di apagarura a maldiciona humanidad i a bira enemigo di esnan cu tabata mas intimo di dje, pasobra den cada ser humano el a mira un enemigo.

Benedict Arnold tabata asina confundi i abatido pasobra nan no a dun'e e promocion cu e tabata merece cu el a sinte asina humilia, cu el a yega asina leu na traiciona su patria.

Si nos tabatin un poco mas confianza den nos mes i confianza den porvenir, anto nada lo no a pone nos sobrelasta, pasobra pa tur cos tin un anochi i un di dia, pasobra loque no por socode awe, semper tin un majan i quizas un otro majan of otro seman of luna mes.

Tampoco ningun hende no mester sinti nan desgracia pa nada na mundo, pasobra ningun hende no ta infalible.

Tur hende sa perde den nan bida un bunita chens, pasobra el a comete un of otro bobedad of tambe pa falta di comprension. Na su debido tiempo cada hende sa ta egoista, sin tino i menos carinioso tambe. I nos no por larga di sinti nos desespera pa faltanan cu nos a comete den un momento di rabia of indignacion.

Sinembargo no tin motibo tampoco pa nos sinti nos manera desterra for rasa humana pasobra nos a comete un of otro fout of a haci un of otro cos robez.

"Como cu seman humano ta falible", asina Bonaro Overstreet a skirbi, "hende cu no por wanta como e ta falible, tin un chens masha minimo cu e por sigui biba satisfecho cu su mes."

"Mi ta haci esai pasobra mi ta pensa correctamente cu e por solu-

It's NEW!



Vaseline BRAND

HAIR CREAM

keeps your hair well groomed and natural looking all day long

Keeps that "fresh-combed" look

New "Vaseline" Brand Hair Cream works right through your hair, not just on top. It keeps your scalp fresh and supple.

"Vaseline" Hair Cream keeps your hair neatly in place - but it won't give that sticky, plastered down look... apply it first thing in the morning, see how your hair stays smooth and tidy, with that vital, natural look - all day long.



USE Vaseline HAIR CREAM

ON SALE AT ALL STORES

VASELINE is a registered trade mark of Chasebrough-Pond's Inc.

Agents for Aruba:
CONTAL AGENCIES, LTD.
TELEFOON 1418

Seagram's V.O.

CANADIAN WHISKY

"Honoured the world over"



ARUBA TRADING COMPANY
Oranjestad, Aruba

cion a problema? Of mi ta corre rond manera mucha den un circulo, sin sa propiamente quico mi ta haci?"

Si nos por entena nos mes den arte, dificultad, si nos por defende nos contra inseguridad, envez cu di hui p'e, lo nos descubri cu en realidad ta existi cosnan huicioso i cu ta duna forza cu nos por haci. Hasta un esfuerzo chiquito den solucion di un problema mes ta bon caba, pasobra tin pronto cu nos risca lucha contra un problema, lo nos hanja e forza pa lucha contra sobranan.

"Sucesonan grandi no ta crea heroe of cobardenan", Canon Westcott a bisa un tem. "Nan ta descubri un hende simplemente dilanti bista di otro. Sin cu nos mes ripara, na vigilancia i drumimento, nos ta bira mas fuerte of mas zwak, te ora cu un cierto crisis muntra nos quico nos a bira."

Quizas por ta e locura di mas grandi ora cu nos tene nos dificultadnan completamente pa nos mes. Mucho bez dificultadnan di mas grandi por ser alivia pa un conseho ora cu nos consulta esai na un amigo di confianza. Pero naturalmente cu capacidad di hende tin su limitenan i ta net manera Bertrand Russell a yega di bisa: "E unico manera pa por carga precaucionnan grandi ta ora bo hanja un gran alivio". I jabi na esai ta oracion. No bisa: "Oh Dios, spair mi foi e dificultadnan aqul", pero bisa: "Oh Dios, duna mi forza pa mi soporta e dificultadnan aqul".

I ora cu nos puntra esqui, anto nos mester haci como si fuera nos sa quico Dios lo responde nos:

I a lo largo: Qui poco lo nos a preocupa nos cu nos mes encargonan si nos por a compadec den esnan di otro. I cuanto mas dibeitido lo nos a sinti nos — mas tanto consola tambe — si nos por a mira nos lucha i nos problemanan como un parti di nos lucha grandi sin fin di enter un creacion, cu ta institui riba extension i renobacion. Mirando esai den e punto de vista ai, nos precaucionnan

lo bira manera simbolonan di nos holuntad firme di hende na mehora su destino.

Como hendenan responsable, nos no por spera cu nos por pasa nos bida sin molestia, ansia i miedo. Pero loque si nos por haci ta di mira nos problemanan cu balentia i sabiduria i principalmente cu calma dilanti nos bista. Haciendo esai no solamente lo nos haci nos mes bida mas facil, no; nos ta carga e ora ai e piedra chiquito di nos mes pa nos vuda edificia gran conjunto di dignidad humano.

— FIN —
TUR LOKE DIOS HACI TA BON

Tabata un homber eu a puntra, si mi no sabi ta pasikico Dios a cria sangura, eu aranja.

Wel, un dia e tabata bringa na gera, e tabata cansa y no por a bringa mas. Y es homber a corre bai, y ora e tabata leuw for di es enemigonan, el a cai sinta sovega contra un palo. Y el a euminza cabisha te el a pega sonjo.

Ora e tabata na sonjo, un sangura a pik'e riba su nanishi y mes ora el a

spierta. Y el a tende boroto di trupanan eu tabata bini di aleuw. Anto tabatin un eueba banda di e palo y es homber a drenta aden.


Un aranja a traha su cas den boca di es eueba. Ora es enemigonan a yega na e eueba, nan a mira marca di su pia; algun di nan di cu e ta den e eueba, y e oronnan di cu no. Cu e ta aki den anto e cas di aranja lo ta kibra. Anto nan a sigi mas aleuw.

Ora el a sinti cu nan a bai, el a sali afor. Y es homber a hiza su cara na laria gradici Dios y a bisa:

"Si Tata, Bo sabi ta pa kico Bo a cria cada bestia."

Y el a bai su cas.


ADVERTEERT
in de
ARUBAANSE
COURANT
Tel. 1116 - 2116



Esaki ta un manera masha dushi y atractivo pa vista di prepara galinja y pa stiebiele na mesa. E pupriku ta prepara di soppi di tomati cu rooi zuur.

PEPITA

Por CHIC YOUNG



Daysy ta masha tranquilo drumi, ata Lorenzo a hanja gana di hunga, cuné, i e la bini na kareda bin spanta e kacho. E kacho a lanta su orecanan bon para, pa seucha di unda e boroto ta hini. E ora cu Lorenzo a mira su orecanan para asina, e la grita: Buu! E ora ei si e kacho a spanta, i e la bula riba Lorenzo, i mordrele riba su nanishi. E ora si Lorenzo no a hunga mas, i e

ta dal un grito, cu Pepita a bini na kareda mira kiko por a pasa cu Lorenzo. Mes ora cu e la mira e kacho mordre Lorenzo, e la hisle, pero ya e la mordre Lorenzo kaba, i e ta puntra Lorenzo, ta kiko bo a haci cu e pober kacho, cu e la mordrebo asina? I Lorenzo ta marando su nanishi, pasobra e ta haci hopi dolor.